



## OPĆINSKO VIJEĆE

Broj: 06/1-31-609-1/17  
Ilijaš, 20.09.2017. godine

### PRIJEDLOG

Općinsko vijeće na sjednici održanoj dana \_\_\_\_\_ 2017. godine rješavajući u predmetu izmjene pravosnažnog i izvršnog rješenja Općinskog vijeća Općine Ilijaš broj: 06/1-31-609/17 od 28.04.2017. godine, na osnovu člana 262. Zakona o upravnom postupku ("Službene novine FBiH", br. 2/98, 48/99), člana 55. Statuta općine Ilijaš – prečišćeni tekst ("Službene novine Kantona Sarajevo", br. 20/09) i člana 99. Poslovnika o radu Općinskog vijeća Ilijaš ("Službene novine Kantona Sarajevo", br. 2/10, 18/15), donosi

### RJEŠENJE

I Mijenja se tačka I rješenja Općinskog vijeća Općine Ilijaš br. 06/1-31-609/17 od 28.04.2017. godine tako da glasi:

Utvrđuje se da je od javnog interesa izgradnja autobusnog stajališta na Regionalnom putu R-445 u mjestu Lješevu na dijelu zemljišta označenom kao k.č.br. 74/23 po kulturi ostalo neplodno zemljište u površini od 113 m<sup>2</sup> upisano u zk.ul.br. 83 K.O. SP\_Ljubnići sa upisanim vlasništvom u zemljišnoj knjizi u korist Halilović Džemala, Halilović Hajrudina i Halilović Šefketa sinova Halila sa dijelom 1/3. Po novom premjeru naprijed navedenoj parceli odgovara parcela k.č.br. 1119/2 K.O. Elešehovići.

II Ostali dijelovi rješenja ostaju ne promijenjeni i isti su na snazi.

### Obrazloženje

Služba za imovinsko pravne poslove, geodetske poslove i katastar Općine Ilijaš po službenoj dužnosti pokrenula je postupak izmjene tačke I pravosnažnog rješenja Općinskog vijeća Općine Ilijaš broj: 06/1-31-609/17 od 28.04.2017. godine kojim je utvrđeno da je od javnog interesa izgradnja autobusnog stajališta na regionalnom putu R-445 u mjestu Lješevu na zemljištu označenom kao k.č.br. 74/7 u površini od 95 m<sup>2</sup> upisano u zk.ul.br. 83 K.O. SP\_Ljubnići vlasništvo Halilović Džemala, Halilović Hajrudina i Halilović Šefketa sinova Halila sa dijelom 1/3.

U toku postupka sporazumnog određivanja naknade za zemljište na kojem je utvrđeno da je od javnog interesa izgradnja autobusnog stajališta vlasnici zemljišta su tražili da se iznađe rješenje koje je povoljnije za njih kao vlasnike pa je iz tog razloga održana usmena rasprava na licu mjesta dana 18.09.2017. godine na kojoj je utvrđen oblik parcele koja će biti predmet eksproprijacije kao i njena površina.

Pošto je rješenje Općinskog vijeća Općine Ilijaš broj: 06/1-31-609/17 od 28.04.2017. godine postalo pravosnažno da bi se moglo pristupiti sporazumnom određivanju naknade





## OPĆINSKO VIJEĆE

kao i nastaviti postupak potpune eksproprijacije naprijed navedenog zemljišta ova Služba pristupila je izmjeni tačke I naprijed navedenog rješenja odnosno izmjeni broja parcele kao i njene površine za potrebe izgradnje autobusnog stajališta u naselju Lješevo.

Kako se radi o pravosnažnom i izvršnom rješenju ova Služba je u skladu sa članom 262 Zakona o upravnom postupku odlučila kao u dispozitivu rješenja.

Protiv ovog rješenja ne može se izjaviti žalba ali se može uložiti tužba i pokrenuti Upravni spor kod Kantonalnog suda u Sarajevu u roku od 30 dana od dana prijema ovoga rješenja. Tužba se predaje u dva istovjetna primjerka, a uz istu se prilaže rješenje u originalu ili prepisu, taksirana sa 100,00 KM po Tarifnom broju 23. Zakona o sudskim taksama – prečišćeni tekst ("Službene novine Kantona Sarajevo", br. 36/14).

Voditelj postupka, Muratović Hamida, dipl.pravnik

### DOSTAVLJENO

1. Ministarstvo saobraćaja  
Direkcija za puteve  
ul. Hamida Dizdara br. 1 Sarajevo
2. Halilović Džemal, Lješevo – Podlugovi
3. Halilović Šefket, Lješevo – Podlugovi
4. Halilović Hajrudin, ul. 28 juli br. 98 Ilijaš
5. Katastru ove Službe
6. U spis predmeta

### PREDSJEDAVAJUĆI OPĆINSKOG VIJEĆA

Mahir Dević, prof. s.r.

